

四部書目

周

禮

3

四部叢刊初編經部

周

禮

十二卷

據商務印書館一九二六年版重印

四部叢刊初編(三)

周禮 漢鄭玄註

上海書店印行

上海福州路四二四號

上海影印廠印刷

周禮目錄

卷第一

天官冢宰上

卷第二

天官冢宰下

卷第三

地官司徒上

卷第四

地官司徒下

卷第五

春官宗伯上

卷第六

春官宗伯下

卷第七

夏官司馬上

卷第八

夏官司馬下

卷第九

秋官司寇上

卷第十

秋官司寇下

卷第十一

冬官考工記上

卷第十二

冬官考工記下

周禮目錄

畢

目錄

周禮卷第一

天官冢宰第一

鄭氏註

惟王建國

建。立也。周公居攝而作六典之職。謂之周禮。營邑於土中。七年致政。

成王。以此禮授之。使居雒邑。治天下。司徒職曰。日至之景。尺有五寸。謂之地中。天地之所

合也。四時之所交也。風雨之所會也。陰陽之所和也。然則百物阜安。乃建王國焉。○雒音

洛。本作洛。景。京

辨方正位

辨。別也。鄭司農云。別四方。正君臣之

位。君南面。臣北面。之屬。玄。謂考工。匠人建國。水地。以縣置槷。以縣視。以景。為規。識日出之

景。與日入之景。晝參諸日中之景。夜考之極星。以正朝夕。是別四方。召誥曰。越三日戊申。

太保朝至于雒卜宅。厥既得卜。則經營。越三日庚戌。太保乃以庶殷攻位於雒。內越五日。甲寅。位成。正位。謂此定宮廟。辨方免反。又平勉反。別彼列反。縣音玄。契魚列反。竝下同。體國經野。體猶分也。經謂為之里數。鄭司農云。營國方九里。國中九經九緯。左祖右社。面朝後市。野則九夫為井。設官分職。四井為邑。邑之屬是也。朝直遙反。鄭司農云。置冢宰。司徒。宗伯。司馬。以為民極。司寇。司空。各有所職。而百事舉。乃立天官冢宰。極中也。令天下之人各得其。乃立天官冢宰。中不失其所。令力呈反。

使帥其屬而掌邦治。以佐王均邦國。掌主也。邦治主。

所以治邦國也。佐猶助也。鄭司農云。邦治。謂摠六官之職也。故大宰職曰。掌建邦之六典。

以佐王治邦國。六官皆揔屬於冢宰。故論語曰。君薨。百官揔已以聽於冢宰。言冢宰於百官無所不主。爾雅曰。冢。大也。冢宰。大宰也。治。直吏反。注。邦治下治官皆同。後皆不音大。宰。音泰。治官之屬。大宰。卿一人。小宰。中大夫

二人。宰夫。下大夫四人。上士八人。中士十有

六人。旅。下士三十有二人。變冢言大。進退異名也。百官揔焉。則

謂之冢。列職於王。則稱大。冢。大之上也。山頂曰冢。旅。衆也。下士治衆事者。自大宰至旅。下士。轉相副貳。皆王臣也。王之卿六命。府六人。其大夫四命。士以三命而下。為差。

史十有二人。府。治藏史。掌書者。凡府史皆其官長所自辟除。藏才浪反。下

同長丁丈反。下胥十有二人。徒百有二十人。
皆同辟必亦反。此民給徭役者。若今衛士矣。胥讀如謂。謂其有才智。知爲什長。胥思敘反。又思餘反。下皆同。徭音遙。

宮正。上士二人。中士四人。下士八人。府二人。

史四人。胥四人。徒四十人。
正長也。宮中正主。宮中官之長。

宮伯。中士二人。下士四人。府一人。史二人。胥

二人。徒二十人。
伯長也。

膳夫。上士二人。中士四人。下士八人。府二人。

史四人胥十有二人徒百有二十人

膳之言善也。今

時美物曰珍膳。膳夫。食官之長也。鄭司農以詩說之曰。仲允膳夫。

庖人。中士四人。下士八人。府二人。史四人。賈

八人。胥四人。徒四十人

苞之言苞也。裹肉曰苞。苴賈。主市買知物

賈。庖扶交反。賈音古。又音嫁。下放此。苴子餘反。物賈音嫁。

內饔。中士四人。下士八人。府二人。史四人。胥

十人。徒百人

饔。割亨煎和之稱。內饔所主在內。饔於容反。苴音庚反。稱尺

正反

外饗中士四人下士八人府二人史四人胥

十人徒百人

外饗所主在外

亭人下士四人府一人史二人胥五人徒五

十人

主為外內饗煮肉者。亨普庚反為于僞反

甸師下士二人府一人史二人胥三十人徒

三百人

郊外曰甸師猶長也。甸師主共野物官之長。甸田遍反共音恭下皆同

獸人中士四人下士八人府二人史四人胥

四人徒四十人

獻人中士二人下士四人府二人史四人胥

三十人徒三百人。獻音魚。本又作魚。亦作鮒。同。又音御。

鼈人下士四人府二人史二人徒十有六人

腊人下士四人府二人史二人徒二十人之腊

言夕也。腊音昔。

醫師上士二人下士四人府二人史二人徒

二十人。醫師衆醫之長。

食醫中士二人。食有和齊藥之類。和胡卧反。齊才計反。

疾醫中士八人

瘍醫下士八人

瘍。創癰也。○
音羊。創。初良反。

獸醫下士四人

獸。牛馬之屬。

酒正中士四人下士八人府二人史八人胥

八人徒八十人

酒正。酒官之長。

酒人奄十人女酒三十人奚三百人

奄。精氣。閉藏者。

今謂之宦人。月令仲冬。其器閤以奄。女酒。女奴曉酒者。古者從坐男女。没入縣官為奴。其少才知以為奚。今之侍史官婢。或曰奚。宦女。○
奄。於檢反。

漿人奄五人。女漿十有五人。奚百有五十人。

女漿。女奴。曉漿者。

凌人。下士二人。府二人。史二人。胥八人。徒八

十人。

凌。冰室也。詩云。二之日鑿冰沖沖。三之日納于凌陰。凌。力證反。或力升反。

籩人。奄一人。女籩十人。奚二十人。

竹曰籩。女籩。女奴之。

曉籩者。

醯人。奄一人。女醯二十人。奚四十人。

醯。豆實也。不謂

之豆。此主醯。豆不盡于醯也。女醯。女奴。曉醯者。醯。呼在反。盡。津忍反。

醯人奄二人女醯二十人奚四十人女醯女曉醯女

者。醯呼西反

鹽人奄二人女鹽二十人奚四十人女鹽女奴曉鹽

冪人奄一人女冪十人奚二十人以巾覆物曰冪女冪

女奴曉冪者。冪莫歷反

宮人。中士四人。下士八人。府二人。史四人。胥

八人。徒八十人

掌舍。下士四人。府二人。史四人。徒四十人。行舍

天官上